



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 165. At ille iterum negauit. v. 70.

urn:nbn:de:hbz:466:1-45533

Crucis tuæ diuinum curari mysterium. Quod si, ò æterna sapientia, natura humana in prima sua dignitate posita secumque manens stabilis persevere non potuit, sed lapsa est quanto minus iam corruptus homo & virtutus, quis non poterit viribus super se, cum Petro vel stare vel attollere, nec poterit quidem absque ingenti misericordia tua ad primam reparari innocentiam suam, sed erit tanquam abortinum à matre sua, perenni cum dolore proiectum. Tu igitur Saluator, Erige vires meas omnes per amorem, ut te Deum Creatorem ac Salvatorem meum toto corde diligam, tandem gratias agam & honorem, nec ulla cesset creatura benedicere & magnificare nomen sanctum tuum in sempiternum.

§. 164. Rursus autem cum vidisset illum ancilla, caput dicere circumstantibus: quia hic ex illis est. v. 69.

An S. Petrus, qui post negationem primam ab atrio infortunato recesserat, reuersus sit in atrium, & sic eum viderit ancilla, & dixerit ista verba non satis ex hoc textu discerno. Sed neque an fuerit alia ancilla, an eadem, quæ priorem fecit agressionem. Quicquid horum sit, siue eadem siue diversa fuerit, siue in atrio siue extra atrium sit aggressa Petrum, satis appareat Domum Caiphæ satis fuisse indisciplinatam, in qua essent ancillæ tam garrulæ, tam vagæ, tam rerum ad se non pertinentium curiosæ. Non acquisierant illæ tales habitus & frontem isto die, sed vsu prolixiore attruerant frontem.

Deus mens, ab otiosis, garrulis, inquietis & curiosis famulis libera seruos tuos, maxime heros & heras, & Prælatos. Virga, onus & pabulum asino: seruis disciplina, occupatio & necessitatis cibus. Si molliter educaueris hoc genus hominum contumax erit. Optimum remedium indisciplinae familie est diuortium, quod ancillis Caiphæ pridem oportuerat esse oblatum. Sed similes habent labra lactucas.

§. 165. At ille iterum negauit. v. 70.

Ecce quomodo se mei admisso in animum peccato maxime mortali, pronissime additur secundum & plura. Et qui non fugit primam peccandi occasionem, alteram inueniat. Meliorum Petro tibi Christiane fortunam noli fingere. statim pœnitamus de peccato commisso & redeamus cum Deo in gratiam, si periculum, ne cadamus, evadere festinamus. Dato enim uno absurdo dantur mille: Horum autem periculorum magnitudinem norunt soli spirituales viri, qui penetrant infirmitatem naturæ, in statu lapso, & norunt multiformes insidias Diaboli, & sciunt quantum malum

um sit excidere à gratia Dei, & quomodo occasiones irretiant, etiamno-
entes.

Cantabiles sunt, Domine, iustificationes & misericordiae tuæ fidelibus
seruistis, qui in schola mansuetorum & humilium didicerunt boni-
tatem & disciplinam tuam, & post multos agones & sudores parauerunt
admirabiles victorias, tua gratia, quas celebrabunt sine fine in gloria. Tu
cognouisti pretia eorum, & perseverantem fidelitatem, qui oderunt ani-
mam suam, & continuerunt appetitum rebellem fræno timoris & deside-
rio serenissimi vultus tui. Quam è contrario tristes & lugubres sunt iniqui-
tates animæ insipienti & prævaricanti! tota die contristatus incedit pecca-
tor. non est serenitas, non pax in vijs eius. A generatione ista libera nos Do-
mine.

§. 166. Et post pusillum rursus qui astabant dicebant Petro: Vere ex
illis es. v. 70.

Quia ex garrula ista ancilla, adstantes paulo ante audierant propalati
Perrum quod ex illis, qui Christo adhaeserent unus esset, ideoque circum-
stantes acius eum intuebantur, vultum Petri, habitum, mores, gestusque,
contemplantes etiam pallorem faciei, & mutationem vultus, & timorem
quendam in gestibus, incessu & loquela, inter se primò mussitantes de Pe-
tro, demum confidenter & quasi cum asseveratione obiecerunt ei, dicen-
tes: *Vere ex illis es.* quare negas veritatem & mentiris coram nobis: cum &
lingua Galilæa & accentus te prodat, esse Galilæum, & modus agendi
indicit te esse Iesu Nazareni Galilæi discipulum vel amicum.

Quis hictimorem Petri enarrabit? membra frigore quodam affuso
perhorruere, timebat & tremebat, nesciens quid responderet, qua via,
quomodo se posset saluare è manibus ita affirmantium, nisi æque men-
endo & negando Christum Dominum, atque illi affirmabant eum esse ip-
sus discipulum, imo amplius, illi enim affirmabant suum sermonem par-
ticula assertoria, *V E R B E*, Petrus per anathematizationem, id est execrationem
seu diratum imprecationem ac iuramentum propositionem suam.
Nescire hominem de quo loquerentur. O Petre libertas arbitrij tui fecit hoc
opus tuum, & illorum: agnosco me in te & illis, Christi gratia de peccato
eduxit, & hanc spero operaturam in me tu Pontifex & Vicarie Christipro-
batus per omnia, intercede nunc pro me, ut sicuti sæpe, pro dolor, secutus
sum te in culpa, sic etiam sequar in agenda pœnitentia.

§. 167. Nam & Galileus es. v. 70.

Galilæam intelligere est aliquanti momenti ad historiam sacrarum
oppor-